

## Kisitsisaataasivimmi aalisarnermut paasissutissat nutaat

### Aalisarneq, aalisakkat pisat suuneri, aalisariuteqatigiit aamma sumiissutsinut immikkoortillugit

Kalaallit Nunaanni Naatsorsueqqissaartarfik aalisarnermut paasissutissanik nutaanik ullumi saqqummersitsivoq. Tabelimi nutaami takuneqarsinnaapput qaammatit pingasukkaarlugit aalisakkat assigiinngitsut pisat, aalisariuteqatigiikkaarlugit aalisarfinnullu assigiinngitsunut agguarluarlugit takussutissiat. Paasissutissat qaammatit pingasukkaarlugit saqqummersinneqartassapput.

Aalisarnermut tunngasut ullumikkut saqqummersinneqartartut tassaapput sinerissami tulaassat qaammatikkaarlugit saqqummersinneqartartut, avataasiorlunilu tunisassiuutigalugu aalisarnermi qaammatit pingasukkaarlugit saqqummersinneqartartut. Taakku paasissutissat ullumikkut aalisarnermi pisanik nunatta aalisarneranit nunallu allat nunatta eqqaani aalisarnerinik tamakkiisumik paasissutissiisuupput.

Paasissutissat nutaat saqqummersitavut takussutissiipput aalisariuteqatigiikkuutaat soorliit atorlugit aalisakkat soorliit imartanilu sorlorni pisinneqartarnersut.


Aalisariutit aalisariuteqatigiikkuuttaannut makkununga pingasunut agguarneqarput:

- Kilisaatit (Avataasiorlutik aalisartut, uiluinniutit nunamillu qanittumi kinguppanniutit)
- Aalisariutit (nunami qanittumi aalisariutit 6 meteriniit anginerusut)
- Umiatsiat (Umiatsiat, qimussit, qamuteralaat ATV-it assigisaallu.)

Paasissutissat tonsiupput, igitat tunineqarsinnaanngitsullu ilanngullugit. Tunisinermi avataasiorlunilu aalisarnermi paasissutissani allaassutigaa aalisakkat taamaallaat ”tunineqarsinnaasut” pineqartarmata.

Imartat aalisarfiusut takussutissiaapput nunatta eqqaani imartanilu allani aalisarfiusut aalisakkanillu sunik pisaqarfiusarnersut. Aammattaaq nunat allat aalisariutaasa nunatta eqqaani imartani sorlorni aalisakkanillu sorlernik pisaqarnersut paasissutissiipput.

## Assersuut takutitassiaq qalerallittat kilisaatinut, aalisariutitut umiatsianullu immikkoorsillugit, ukiumut pisat



Najoqqut: Naatsorsueqqissaartarfik – kisitsisaataasivimmi kisitsisit takukkit <http://bank.stat.gl/FIN010>

### Najoqqutat

Nalinginnaasumik *Aalisarneq pillugu inatsisartut inatsisaat nr. 18, 31. oktober 1996-imeersoq* taakkulu nalunaarutitaat atuupput. Paasisutissat KANUAANA-mut nassiussorneqartut Naatsorsueqqissaartarfiup atortarpei.

Allanik immikkut paasiaqarusukkuit allaffimmi pisortaq Lars Geraae oqarasuaat toqqaanartoq 34 57 87 atorlugu attavigineqarsinnaavoq.

### Periaaseq

Uani saqqumersitami kisitsisit siusinnerusukkuut aalisarnermut tunngasunut saqqummersitanut sanilliullugit nikingassuteqarsinnaapput. Tamakku ilaatigut patsiseqarput kisitsisinik aallerfiit assigiinngilaartarmata.

Kisitsisit makku uani saqqumersitami siornatigullu saqqummersitaasartuni nikingassuteqarsinnaapput:

- Piffissamik nikingassuteqarneq
  - o Soorlu aalisakkat ukiup aallartinnerani tunisat ukiup siuliani pisaasimasinnaapput.
- Aalisakkat qaleruallilluunniit atinut allanut katersuuffeqarsinnaapput
  - o Kinguppaat ilaat Montagui-nit taaguutilli kinguppannut nalinginnaasunut tunisinermi ilanngunneqartartut, maana immikkoorsillugit pisarisuukkatut ilanngunneqartalerput.

Piffissap ingerlanerani angallatinik piginnittut allanik angallatitaarsinnaasarput. Umiatsiaararsortoq pujortuleerartaarsimasinnaavoq anginerusumilluunniit avataasiummik pisaarsinnaavoq. Piffissami pisat naatsorsorneri angallatigisamut anginermut pisatut naatsorsorneqartarpoq.

Aquuteralaat assigisaallu tunisinermi atorneqartut, kisianni piginnittumikkut aalisariutinik angallatitaqartut, pisaat aalisariutip pisaattut naatsorsuutigineqartarput.

Tunngaviatigut kisitsisit nutaat kisitsisitoqqat amerlaqatiginngikunigit amerlanerussapput, kisitsisit nutaat igitanik tunisassiarineqarsinnaanngitsunillu ilaqarmata.

Natsorsueqqissaartarfiup kisitsisit ukiut marluk kisitsisaagallartut atortagaat inaarutaasumik kisitsisitut atuutilinnginnerini naatsorsoqqissaartarpei.

---

Ilisarnaatinut nassuiaatit  
... Paasisutissat pigineqanngillat  
.. Paasisutissat tatiginanngitsut ilisarinnilersitsisinnaasulluunniit  
. Kisitsisitaqarsinnaanngitsut  
0 Affaanit mikinerusut  
- Nul  
\* Kisitsisaagallartut imaluunniit missingersuut

Saaffiginniffissaq  
Lars Geraae  
E-mail: Lage@stat.gl

Tusagassiutinut nalunaarut

Kalaallit Nunaanni Naatsorsueqqissaartarfik  
Postboks 1025 · 3900 Nuuk  
Oqar.: +299 34 57 70 · Fax: +299 34 57 90  
www.stat.gl · e-mail: stat@stat.gl

